

1 Timoti

1 ¹Ŋai Pol, girek en ŋigire da. Anut sen idsad patud pasek, agod Jesus Kristus in ninen o mala nouk tumado da. In ŋai ru kagin dupanag go aposel ŋilasa ya. ²O Timoti, oŋsa ilo rumok lo oŋ ŋaisag nanuk mok a. Girek en oŋsa na ŋigane ipalu da. Ak ninen o Anut idsad Tamad, in Jesus Kristus da sad ilo panek, ilo muŋanek, agod ilo maror an lo ka mado wa.

Piteŋanek sewak ak ninen o kagin gane wa

³Saen ŋai Masedonia na ŋau o ilog yen an, ŋai oŋ ŋurupaioŋ Efesus na mado wo ilog yan a. Man dugo, tamolpein aenta piteŋanek sewak digane dan ru dabai nam padau dop dumoi a. ⁴Rupidaip am wagam ak, agod tubud tamad yaŋad lo am dupas dan dumoi. Mel an lo ilo saian igane ilasa da. An man Anut san urat lo ibinawai san tia ya. Tia, Anut san urat man ilo rumok lo mi taloŋ a. ⁵Kubiaeŋ ru an san fun man aŋ ilom imasap ilo panek aŋ lo ilasap yen a. Ilo panek a bube ikok lo, ilo sou muruan an tia yan lo, agod ilo rumok nuŋon ak lo ilasa dan ninen o ŋabol da. ⁶Tamolpein aenta kagin uyan an patud dupani an lo kubiaeŋ nuŋon tia yak digane dugo dal dufurfi da. ⁷In Anut san ru kubiaeŋ lo girek maŋau dumado wo ilod ibol da, gug iŋsiganed ru dubol dan fun ta duloŋ na ya. Agod mel a tamolpein dupiteŋanai dan sakar diganeg rumok ak dubol da, agod gug iŋsed man ru an san fun ta duloŋ na ya.

⁸Aria, id ago taloŋ ak, kubiaeŋ in man uyan a. Ago yak ninen o id kagin tupani tap, an uyanan a. ⁹Id ilod iŋaon banau, kubiaeŋ niganag an tamolpein uyadi ak sadi tia ya. Tia, an man in tamolpein a kubiaeŋ paen na tia yan, in a iŋaned gurman paed na tia yan, Anut kagin dumoi, aupasek san, gun tia yan, gob adi, in a tinad tamad dufu dumat dan, in a mateŋ digane ilasa dan, ¹⁰a jeit kagin digane dan, tamol sed sed lo ulek kagin digane dan, a tamol digam pe urat pinein didirai dilasa dan, sewak adi, a tumanek lo dutot dan, agod kagin saian aenta a digane dan lo piteŋanek uyan ak san ager yen da. ¹¹Piteŋanek uyanan e ninen o ŋabol man, ru a ŋaisag bilaluŋ uyan ak lo ibol an san dal iri a. Anut per panek san in bilaluŋ girager anda yan ŋai kagin ŋupani wo banig lo igane ya.

Anut iñsan ilo panek Pol ipani a

¹²Ŋai Jesus Kristus idsad Tubun ak iñ mi per ŋupani da. Man dugo, iñ ŋai ikubianag go ŋaisag nao lalek an uyanan ile tag iñsan urat biabi ipanag a. ¹³Inug mi man ŋai Jesus niñen o naon ŋufute na yak, ŋai iñsan tamolpein sad ager tamol ŋumadog ŋuparfutanai na yak, agod ru saian saian nam ŋupeig ŋumisilani na ya. Ak man Anut ŋai ilon imuñanag a. Man dugo, saen an lo ŋai ta ŋaloŋ na dugo ilo rumok amag tia yan lo ŋai kagin ago ŋigane se ya. ¹⁴Ago dugo idsad Tubun ak Jesus Kristus iñsan ilo muñanek ŋai ipanag a. Aria, ilo rumok agod ilo panek a Jesus Kristus iñsen ilon lo yen dan ipanag go ŋai idaisuda geig a. ¹⁵Ŋiñeñ en rumok a, an lo tiñane dop ilod lo rumok a. Jesus Kristus aupasek tamolpein patud ipasi wo tan en lo idu ya. Ŋaiseg man fidian ŋiriñanaig saiag geig a. ¹⁶Ak man ŋai iñsan ilo muñanek ŋiñane san fun man igo ya. Jesus Kristus iñ iliad funad oñ dan san kagin iñ lo man tubun geig a. An niñen o ŋai lo imug iñsan ilo muñanek kuai tem ikubiai panag a, an lo tamolpein a ilodi rumok dan lo kumaen pempem san diñane wan, ŋai iñsad tinanou igo woñ ŋilasa ya. ¹⁷Iñ man Kiñ pempem san. Iñ man malad lo tile san tia yak, agod dam dimirirani san tia ya. Iñsen Anut rumok ak mi imado da. Ago yak niñen o pempem iñ yañan tabisa dop tipitiani wa. Rumok.

¹⁸⁻¹⁹O nanug Timoti, gamu kubiaen ŋai ŋupano wo da. Kubiaen e ŋupano den ru a gubak mi profet adi oñse niñe wo dubol ilasa yan iri pani a. Wagai uyan ak gane wa, oñane ilo rumok an wabi sakar a, agod kagin miai an tia yak mi gane wa, fun dugo, oñane ilo sou mel ta niñen o bube ta isue na wa. Tamolpein aenta man saen iñaned ilo sou bubedi isue dop, patud dupani da. Kagin an san nuñon man igo ya, iñaned ilo rumok nek ibol wog gurgor fo dibili isuda yak igo woñ a. ²⁰Luluñad lo Himeneus iñ Aleksanda da kagin ago digane tag ŋusubanaig Satan banin lo ŋidirai diau a. An ago dop afon Anut o ta dubol saian na wa.

Ubou leil san kagin

2 ¹Ago yak niñen o malmalan ŋai añ ŋususunañan o da, añ tamolpein fidian niñedi wo amosiai, gudanek, kagin panek aenta wo sumiaek, agod per panek an agane wa. ²Gurman adi agod tamol malan te yak niñedi wo dam Anut agudani wa. An lo tamol naok an diliad funad oñ dop, idsad madok igo ilasa wa. Id tamol nuñon ak igo, maror kagin lo tumado wa. Agod tamolpein malad lo tok tabol tumado wa. Agod dam idsad madok an fidian lo Anut kagin mi tiri tupani wa. ³Kagin an man uyanan a, an lo Anut idaned patud pasek iñ malan lo man uyanan agod bulbal mok a. ⁴Ilon yen an lo iñ tamolpein fidian patud ipasi wa, agod ru rumok ak san mañau diñanep iñ idaisuda wa. ⁵Man dugo, Anut man iñsen kisaek mi a, agod tamol kisaek mi iñ Anut da, agod tamolpein da, sad tamol titiñae yak

igo imado da. Tamol an inj Jesus Kristus mi a. ⁶Insen tamolpein fidian o inj tinin nam naon iganeg id idad an san ru Anut lo yen da, agod injanen saen fom ilasa ya. ⁷Man ninen o naj bilaluj tamol agod aposel iginiag a. An ninen o naj gob adi inj ilo rumok nujon mi dijane san ninen o insad girek majau njilasa ya. Naj ru rumok ak mi njabol da, naj seg tinig nam ta njusupale na da. ⁸Amaiak ninen o ubou leil san saen lo tamol a aben fidian lo dumado dan dumosiai o ilog ibol da. Inj nug lo tinj saiak tia wak, agod nug paek dam ta digane na wa. Kagin naok an digane itout gup, inj Anut naon na banid gun ak diabisap dumosiai o ago digane wa. ⁹Aria, naj igo njabol da, pein man biouj nujon mok ak mi didiri wa. Biouj mala sek san ta didiri na wa. Damag a se pitianoi san, kululoi, ariy, biouj naod lak tinan an fidian injaned ilo sou lo an mel tubun ak ago dubol a. ¹⁰Man dugo, biouj dugon a pein adi Anut nanun igo woj dutor o dubol dan iri panim, an mi didiri wa. ¹¹Pein man inj saen majau dijane dop dutokubol pe tamol fidian paed na dumado wa. ¹²Naj pein njil fu dop tamol ta dipitejanai na wa. Anut wagen lo tamol naod ta dirinjani na wa, tia, inj dutokubol pe dumado wa. ¹³Man dugo, Anut inj Adam imug iwei a. Murna gug Ewa iwei a. ¹⁴Adam man inj imug rawek lo ta idu na ya. Tia, mot inj pein irawig aupasek lo idu ya. ¹⁵Gug pein inj Jesus Kristus ninen o ilon lo rumok nujon dop, nal fidian ilo panek lo, madok gun ak lo, agod kagin uyan ak lo imado tap, inj san niginj lo Anut ibinawi wa.

Midaenj sad gurman adi

3 ¹Ru e dubol den rumok a. Ta inj midaenj gurman urat ninen o yaes ifuni tap, inj urat uyanan ak mi igane wo imat da. ²Midaenj gurman man inj tamol naok igo ya: aenta inj ninen o ru dubol san tia ya, inj iwon kisaek mi wak, inj lukluk san tamol tia wak, inj san kankan milaen mi wak, inj san urat lo mel fidian ikubune wak, inj kagin panek san tamol, agod girek majau uyanan a. ³Inj you sakar ak ninen o tubun mi ta imat na wak, inj banin wagai an tia wak, inj mos kagin mi igane wak, inj tamol maror, agod moni o yaes ta ifuni na wa. ⁴Inj injinanen samun an injiljai dop itirnai uyanan a, agod nanun muroun injal pe awan paen na dumado dop dal fidian lo inj mi awan diri wa. ⁵Man dugo, tamol a injanen samun injal pe itirnai uyanan an ta ilon na tap, inj Anut san midaenj dugo kagin ipani wak i? ⁶Tamol an man inj Kris foun ak tia ya. Kabelan inj se pitianoi san kagin lo idu banau, ago tap, mitep naon a Satan injane wan ago mi inj dam injane wa. ⁷Agod ta dam, tamolpein a idsad ar patun fo dumado dan inj tamol uyanan ak ago dubol a. An tia tap, inj ninen o dubol saian dop Satan san dob lo idu wa.

Midaenj sad binawek adi

⁸Tamol a ubou san binawek digane dan nijedi wo dikon tabol dan man, tamol nujon ak mi wa, awad ta raru na wak, lukluk tubun mi ta

digane na wak, agod moni ningen o tubun mi ta dumat na wa. ⁹In ilod lo inaned kankan ilok pe muruan ta yen man tia, kagin an lo gidad idaned ilo rumok, agod an san mel mianuk ak id talon uyan san ta pasauman na yan, an fidian diabi sakar dop kagin dupani wa. ¹⁰In inug mi dibitiniai pe bitinaek an lo disasau tap, an mi urat an ka digane wa. ¹¹Binawek pein adi in dam pein nujon ak mi wa, agod uf ta digane na wa. In sad kankan muruan aman tiap itaot mi wa, agod mel fidian lo rawek kagin ta digane na wa. ¹²Midaen sad binawek tamol man in iwod kisaek o lian a, ago dop inaned pein nanuk, ditirnai uyanan a. ¹³Binawek tamol ensauta a urat digane uyan dan, in midaen malah lo inaned yanjad tubun yen da. Agod in Jesus Kristus ilod lo rumok an ningen dubol o man ta direr na da, kagin an lo in ta katukadi na ya.

¹⁴Inai onsa na kitek an tap nupalu wo ilog isou dugo girek en ngire da. ¹⁵Ak gug nai nupalup njilio san nal ta ibalsini kisaek na tap, girek en lo dop on id Anut anen midaen ilon lo kagin dugo won lo tajar an san, on ulon a. Midaen an man in Anut a kumaen imado dak san, agod ru rumok ak san bag tamol igo won a. ¹⁶Id mel en ningen o ilod kisaek ak, idsad ilo rumok ilon lo mel tubun ak pasauman talon san tia yak yen da:

In tamol mok igo ilasag,
 Urgan in sen mi walal te tamol itaot ak ibol ilasag,
 enel adi dile dulon go,
 tan titin fidian lo dubol go yau,
 tan tilianek lo in o ilod lo rumok go,
 Anut in aneg in girager anda isida yau a.

Pitejanek sewak

4 ¹Urgan in kuai tem ibol dak man mitep tamolpein aenta in sad ilo rumok dibisei wa. Agop ru sewak ak sad ur an awad mi kagin dupani dop, ur saiak saiak sad pitejanek an ningen o mi kududod dugure wa. ²Tamol naok ago yak in bale uraru san kagin lo ru sewak dubol da, man dugo, inaned kankan uyan ak malan dusue ya, nek ibol mumaned yai inanig ipitijini igo won a. ³In nug njanek san kagin man geg sakar digane da, agod anan naon aenta dam diani dumoi o durupidai da. Ak man Anut anan an fidian tani wo igane ya. Agod tamolpein a ilod lo rumok dop ru rumok dulon uyan dan, in Anut o ilo uyan san gudanek digane yan lo anan an ka diani wa. ⁴Man dugo, melmel a fidian Anut igane yan man in uyanan a. Ago yak ningen o mel a fidian tinane dan ningen ilod uyan dop Anut naon na tugudani tap, dugo yak ta tamoi san man tia ya. ⁵Man dugo, Anut san ru in gudanek da lo man anan an gun igane ya.

⁶Ak ningen o on mel an tei tao fidian naod na kubunep fulale dop man, on Jesus Kristus san urat tamol uyanan a. Amaiak lo ilo rumok san ru,

agod pitejanek uyan a uri pani dan lo, nek ibol ananj uyan ak igo wonj onse ntu futuwi da. ⁷Ak gug am burau, nujon tia yak a pein busumak adi dupas dan umoi. Agod Anut kagin mi ninjen o maeg gane. ⁸Fidian talonj ak tinid dabai tupani san urat man mel tubun a. Gug san binawek an man tubun an tia ya. Ago gug Anut kagin ninjen o maeg gane dan man mel fidian lo ibinawo uyan geig da. An gamu tan en lo ibinawad ak, agod murnap kumaen panu lo dam mi wa. ⁹Ru en rumok an lo anj anjanep abi sakar o uyanan a. ¹⁰Id Anut tinid tigane pani dan lo tau tisasau a. Inj man tamolpein fidian sad patun pasek a. Agod ensauta a ilod lo rumok nek an mi a. Kagin nek an ninjen o urat wagai mok tigane dan man fun nek a.

¹¹Melmel an pitejanai dop ru dabai lo kubiai pidinai. ¹²Onj pinein damag ak ninjen o, onj talpein ta ule funi dop ta ibio udu na wa. Tia, ru lo, onsa turenj lo, ilo panek lo, ilo rumok lo, agod kagin ikok ak lo dam onj inaned tinanou igo wonj mado wa. ¹³Onj Anut san ru malak malak suti dan, agod ru fulale dan, girek manau urat an dam kagin panip yau dop naj onj sijire na npalu wa. ¹⁴Saen profet adi ru a dubol an, agod midaen sad gurman adi banid onj tini fo digane yan lo, urat san dabai Anut ipano yan onj ilo lo yen da. An lo onj ta yalis na wa. ¹⁵Mel an kagin pani, an lo tini ntu fidian pani wa. Dal an lo onsa urat nujon ilasa yau onj dan tamolpein fidian dile dulonj a. ¹⁶Onj se itirno dop onjane pitejanek dam kagin pani wa. Mel uraru en wabi sakar a, man dugo, onj ago gane tap, ensauta a onjane ru dulonj dan, onse dam dida patu pasek anjane wa.

Pein suos inj gurman adi da sad ru kagin

5 ¹Onj tamol a onsa busumak adi an ta pidai na wa, tia, inj onj tama igo wonj dabai panek ru lo tan suek ru rupidai a. Agod tamol a onsa bakan ak onj an, onj tei murou igo wonj kaginad gane wa. ²Agod pein busumadi man onj tina igo wonj a. Agod pein baras adi man kagin uyan ak fidian lo mi lu murou igo wonj kaginad gane wa. ³Pein suos a injsad muroudi tia yan onj kagin pidinai uyanan a, man dugo, inj suos pein mok a. ⁴Gug pein suos ta inj nanun boi, tia, tubun muroun boi, aman da tap, inj muroun an inug mi kagin dupani wa. Ago tap, inaned tinad tamad tubudi an inaned kagin dupidinai an naon igo wonj a, man dugo, kagin an inj Anut malan lo uyanan a. ⁵Pein suos a suos mok imado dan inj sen kisaek mok a. Suos naok an Anut lo inanen ilo rumok yau itutou da. Inj pempem imosiai dop imado da, tidom ad ago Anut san na mi igudani da. ⁶Ak gug, pein suos a injsen ninjen o mi ilon isou dop imado dan, kumaen imado bo man imat la ya. ⁷Ru kagin ago rupidai a. An lo tamolpein aenta injsad kagin ninjen o ru ta dupidinai wa. ⁸Gug enti a inj muroun kagin ta ipidinai na dan, inj ilo rumok san dal ibisei a. Talpein naok an man saian mok a. Injsan kagin man gob adi sad kagin saian an irinjani geig a.

⁹En man pein suos sad tom. Pein suos a inj ananj 60 irinjani an, agod inj tamol kisaek san iwon an, ninjen o onj suos naok nek an mi inj yanjad

gire wa. ¹⁰Pein suos an iŋ midaeŋ malad lo yaŋak igo yak da wa. Wagam iŋ urat uyan uyan ak igane se ya. Iŋ nanun muroun adi itirnai dugo, anaŋ melmel tamol gol ak ipidinai na ya. Iŋ Kris adi ŋied ifulani dugo, tamolpein muruan amad da yak ibinawai se ya. Oŋ pein naok ago yak mi yaŋan gire wa.

¹¹Gug pein suos tinid foun an gidad busawai. Man dugo, saen iŋ Kristus patud dupani man, tamol foun ak dusu wo ilod imasa da. ¹²Iŋsad promis a imug mi Kristus dupani an gigin na digane ya, ago yan lo Anut san bitinaek an sed tinid lo digane da. ¹³Kagin taidam igo digane da. Iŋ yalis san kagin amad da ya, an lo ab ab dudu disida oŋ da. An mi tia, tia, tamolpein aenta iŋsiganed mel digane wo dubol dan, iŋ niŋedi wo patud fo paek ru dubol saian da, agod ru a dubol san tia yan dam dubol da.

¹⁴Amaiak niŋen o ŋai ilog ibol dak man, suos tinid foun ak iŋ tamol ka diŋane wa, nanuk digansi dop, iŋaned ab, iŋaned abed ditirni wa. Agop idsad ager Satan dal ta lo ru saian ipidinai san ta ile na wa. ¹⁵Ule, aenta dal uyan ak diapiltig, Satan san dal duri da. ¹⁶Ilo rumok pein ta iŋanen muroun adi luluŋad lo pein suos aenta dumado tap, iŋsen mi ibinawai a. An lo midaeŋ iŋ muruan ta ipani na wa. An lo dop pein suos adi mok, a muroudi tia yan mi kagin ipidinai a.

¹⁷Midaeŋ gurman ensauta a midaeŋ tirnek san urat digane uyanan dan, teil dop iŋaned naon bugagaru diŋane wo man uyan a. Tamol adi nek a iŋ ru dufulale dan, agod girek maŋau urat digane dan mi niŋedi wo ŋabol da. ¹⁸Anut ru buk lo yen dak ago ibol, “Saen makau kon nuŋon irni dop, awan fou umoi.” Nek ago mi, “Urat tamol man, iŋanen urat naon iŋane mok a.” ¹⁹Tamol ta gurman a kagin saian igane yak ago ibol dan, niŋen o kudo ta gure na wa. Ak gug talpein uraru, tia, tamol utol, nug dususuŋani tap, iŋsad ru an oŋ ka ulonŋ a. ²⁰Matu gurman adi au dupas dan, fidian malad lo kuai te rupidai a. An lo dop gurman aenta iŋ dam direr dop aupasek niŋen o sen dilasa wa. ²¹Ulonŋ, Anut, Jesus Kristus, agod eŋel pilianek adi naod na ŋai kubiaeŋ en oŋ ŋupano da. Oŋ kubiaeŋ an fidian uri pani wa. Saen oŋ kubiaeŋ an uri dop, talpein enti niŋen ilo ta isou na wa, tia, kagin kisaek mi tamolpein fidian pidinai a. ²²Oŋ ririan mi tamol ta Anut urat igane wo bani tinin fo ta gane na wa. Moi dop iŋsan madok bitinae ule gup a. Oŋ talpein sen ak san aupasek ta lo ladu na wa. Oŋse tini kagin panip, gun mado wa. ²³Taida mi, you kawan mi ta uluk na wa. Tia, wain kitek dam uluk dop, an lo oŋsa tiŋae ibinawi dop subam wei mi ifuno dan kute ibol a.

²⁴Tamolpein aenta sad aupasek walal te yen da, agod aupasek an imug mi Anut san kot lo ilasa wa. Ak man tamolpein aenta sad aupasek imianuk yen dan, murna dop walal te ilasap tile wa. ²⁵Nek ago mi, kagin uyan uyan ak walal te dien da. Ago gug kagin uyan a gamu dimianuk dien dan, dimianuk dien san tia wa.

Urat bigabeg sad ru kagin

6 ¹Ensauta a urat bigabeg dumado dan ijaned urat gurman awan kagin dupani uyanan a. An lo talpein ta Anut yaŋan, agod idsad pitejanek an niŋen o ta ibol saian na wa. ²Urat bigabeg adi a ijaned gurman ilo rumok amad da yan, iŋ teid taod igo yak niŋen o awad duparsisali san tia wa. Tia, urat lak na mok digane wa. Man dugo, gurman a iŋsad urat san nuŋon diŋane dan iŋ ilo rumok adi mok a, ago dop bigabeg adi an ijaned gurman o dumat a. Oŋ kubiaej an pitejanai dop iŋ an lo duri dupani wo duduwei a. ³Talpein ta pitejanek sen ak tamolpein irupidai dop, ru uyan ak a idsad Tubun ak Jesus Kristus irupaiad an niŋen o, agod pitejanek a Anut kagin iri pani dan niŋen o dam, ilon ta kisaek na tap, ⁴tamol an iŋ se pitianoi san kagin tinin ijanefute ya. Iŋ mel ta ilon na ya. Iŋsan kankan subam anda ya, sumiaek naon sensen ak, agod ru lo nug funek san kagin an niŋen o tubun mi imat geig da. Kagin naok ago yak lo mala sek, nug funek, uf ru, turan niŋen o ilo saiak san kagin an dilasa ya. ⁵Iŋsad ru bilabol an nuŋon tia yak lo, tamol a iŋ ilod iburkaruk idu dan, agod iŋ lo ru rumok ta yen na dan, nal fidian nug dupei da. Tamol amaiak ilod lo, Anut kagin diri dan lo tan en san filian diŋane san dal man nek amaiak ago dubol. ⁶Gug id melmel a idsad madok san niŋedi wo katuk ad tia yak, agod Anut kagin an tiri tupani dak ago tap, an nuŋon uyanan ak tubun mi idsad madok lo igane ilasa wa. ⁷Man dugo, tan en lo id mel ta tisinig tilasa man tia ya. Nek ago mi, tan en tibisei wo dop mel ta tisinip tau san tia wa. ⁸Ak niŋen o, id anaj biouŋ amad da tap, man igo tabol, an id o nek idaisuda ya. ⁹Ak man talpein tan en san filian diŋane wo ilod ibol dan, ilo ŋanek san kagin, dob igo woŋ, lo disidag diau dudu da. Iŋ ilod imasap kagin burau wei mi an digane da, an lo iŋsed tini madai sensen ak dupani da. Kagin an lo iŋsed malad dusuep daon panek lo diau dudu wa. ¹⁰Man dugo, tamolpein moni ilod dupani san kagin man, kagin sisaiak wei mi sad fun. Ago man, aenta moni niŋen o yaes ifu dan lo ilo rumok san dal dibiseig dideg diau a. Dal an lo nek ibol saen wei mi sabiri nam sed tinid dusue dak igo woŋ, ijaned bubed madai wei mi nam malan dusue da.

Pol Timoti kubiaej san ru wadan ipani a

¹¹Ago gug, oŋ man Anut san tamol mok a. An lo dop kagin an fidian oŋ patu pani wa. Kagin itaot, Anut kagin, ilo rumok, ilo panek, utur sakar san kagin, agod mos san kagin, kagin naok an man oŋsa bube san kob uyanan a. ¹²Idsad ilo rumok san wagai uyan ak gane wo uyanan. Oŋ kumaen pempem san ŋane wo Anut igio ya, agod saen ilo rumok adi wei mi naod na oŋsa ilo rumok an ubol ilasa dugo duloŋ an san saen lo, oŋ kumaen an ŋane ya. Aria, kumaen an wabi sakar a. ¹³Anut a mel fidian

kumaen ipidinai dan naon na, agod Jesus Kristus a Pontius Pailat naon na itur dugo inſen niſen o ru rumok ibol ilasa yan naon na dam, ¹⁴ŋai ru dabai nam oŋ kubiaen an kagin pani uyan mok o ŋabol a. Kabelan mel ta nun anda yak ilasap an lo tamolpein malad lo kubiaen an saian dubol banau. Oŋ ago ganep yau dop idsad Tubun ak Jesus Kristus imul ipalu wa. ¹⁵Kulob an man inanen saen fo mok Anut kuai tem iganep ilasa wa. Inſen mi uyanan mok, idsad Gurman kisaek o lian a. In mi kiŋ sad Kiŋ, agod tamol tutubu yak sad Tubun a. ¹⁶Inſen mi ta imat na wa, lilaman a siŋiren na id tau san tia yan lo imado da, agod tamol ta in ile man tia ya, ta in ile san dam tia ya. Awo, yaŋak tubun ak in tupanip, tuon dabai ak pempem san dam in lo imado wa. Rumok

¹⁷Oŋ tamolpein a tan en san filian wei mi amad da yan ru kagin igo rupidai a, in aenta diriŋanai ak ago dubol dan san kagin lo dumado dutor man tia wa. In tan en san filian niſen o dam tini ganei ta digane na wak ubol a, man ata wo, inſad filian an pasauman mok ka dideg diau a. Tia, in Anut mi tinid digane pani wak ubol. Man dugo, Anut melmel id malad lo bulbal mok an fidian ilo uyan san wei mi ipanad a, agod an id o idaisuda mi a. ¹⁸In urat digane uyan ak ubol a. Inaned filian mok man, tan en san biouŋ tia ya, tia, kagin naok naok uyan an digane san mi ak ago rupidai a, agod mel uyan uyan wei mi tamolpein a mel ta lo katuk amadi an dipidinai o tawaŋ digane wa. ¹⁹Dal an lo inaned filiadi bageu san fod lo dutumanig yen da. An man nek ibol saen a sumeik ipani dan san kadaŋ dimirirani san tia yak igo duguni a. Ago dop lo kumaen a kumaen nuŋon mok an ka diabi wa.

²⁰O Timoti, mel a gubak mi oŋ bani lo ŋigane yan kagin pani. ŋiŋen a Anut kagin san ager imado dan, agod ilo sou a piteŋanek itaot ak niſen o ipirgini dan man, yaŋan “maŋau” ago dubol dan niſen o oŋ sen lasa wa, man dugo, inſad ru an sewak mi a. ²¹Aenta in maŋau sewak a lo leil dupani an lo ilod lo rumok san dal diabpilti a.

Anut san ilo panek aŋ fidian da ka amado wa.